



**TERTIB ACARA KEBAKTIAN MINGGU**  
**GKPS P.BULAN-RESORT POLONIA MEDAN**  
**Minggu Quasimodogeniti, 11 April 2021**



**TOPIK: “Pajongjongkon Parsaoran Na Marsihaholongan”**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>

**1. Votum – Introitus – Tonggo**

P. Riap ma hita jongjong!

Ibagas Goranni Naibata Bapa Pakon Tuhan Jesus Kristus ampa Tonduy Napansing, Sitompa langit pakon tanoh on. Amen.

Sintong do na Huhatahon on bannima: anggo lang mulak uhurnima songon sada dakdanak, sabonar na so boi do hanima masuk hubagas harajaon nagori atas ai. Halleluya .. Halleluya .. Halleluya..

K : (Mandodingkon) Halleluya .. Halleluya .. Halleluya..

P : Martonggo ma hita. Ham Tuhan Naibata Bapanami na nagori atas. Tarima kasih pakon puji-pujian ma isombahkon hanami hu Bamu, halani tongtong do ibere Ham bannami hata-Mu na gabe hagoluhannami. Maidop ma uhur-Mu, Tonduy-Mu Na Pansing in ma mampargogohi hanami laho manjalo pakon manghagoluhkon hata-Mu in. Songon dakdanak na baru tubuh na horahan bani tadah, sonai ma hanami horahan bani tadah ni tonduy na pitah, ase lambin idaihon hanami dearni layak-Mu, janah sintong haporsayaonnami hubamu. Ibagas goranni Anak-Mu Jesus Kristus Tuhannami. Amen. (*hundul kuria*)

**2. Mandoding 7. Porini Dong Marribu Hali (1+3+5)**

1. Porini dong maribu hali, paraloling ni sorangkin Bois ni gogoh inggananni, mamuji Naibatanta in, Ibaen malasni uhurhin, hinorhon ni pambaen-Ni in.

3. Ulang ma modom ho tonduyhu, sai puho ho, sai hehe ma; Pongkut ma ho bani horjamu, sai puji Tuhan Naibata; Sai baen ma gok ni pandeimin, laho mamuji Tuhan in.

5. Hupuji pakon Ham, o Jesus, ibaen parholong ateiMu. Mardingat darohMu madurus, pakon ganupan layak-Mu; Mambahen haluahon on, hubai pardousa banggal on

**3. Hasasapan ni Dousa**

P. Riap ma hita jongjong!

Paunduk hita ma uhurta laho mangindo hasasapani dousanta hubani Tuhan Naibata. Ham Tuhan Naibata Bapanami, paridopni uhur hubani jolma pardousa. Domma iberehon Ham anak-Mu Jesus Kristus gabe jolma anjaha manaron hahirion pakon hadoyukon. Pala matei tarsilang laho manghopkop hanami anjaha mulak manggoluh, naik hu nagori atas laho mangapiti hanami. Tapi gati lang iahapkon hanami banggalni panghopkop-Mu in bannami. Janah gati seng ihargahon hanami in bani goluhnam, janah haganupan in ma panghorhonni gijang ni uhur, hampung janah hurangni pangarusion nami. On pe na roh ma hanami hu Bamu mansopotkon dusanami sai palumbang Ham ma uhur-Mu. Sasap Ham ma dousanami, pargogohi Ham ma hanami laho manangihon hata-Mu ase lambin ididah, iahapkon janah iarusi hanami na dob hinopkop Ham do hanami. Ajari Ham ma hanami, ase ibotoh hanami martarimakasih marhiteihonni uhur ampa pambahenan nami. jalo Ham ma tonggo elek-elek nami on, ibagas goranni anak-Mu Jesus Kristus Sipaluah hanami. Amen.

P : Tangar hita ma hata ni Naibata bagah-bagah pasal hasasapan ni dousa; “Ai seng dong ubahni, sabonar haganup do sidea mardousa, anjaha seng dong sipujion ilobei ni Naibata. Gabe ipintori do sidea marhitei silayak-layak halani idop ni uhurni, hinorhon ni panobusion na ibagas Kristus Jesus. Ia do ipajongjong Naibata gabe hitei pardearan marhitei haporsayaon bani darohni ai.” Ibagas holongni Naibata, domma isasap haganup dousanta. Halani ai, pataridahkon hita ma tandani pargoluhan na bayu. Hasangapon ma bani Naibata i babou.

P + K: Amen (*hundul kuria*)

**4. Mandoding 234. Tandai Ham ma Au (1+2+3)**

1. Tandai Ham ma au, pareksa Ham pakon uhurhu, Uji Ham au, papangkei ham pakon dalanku! Itandai Ham do au on, O Tuhan.

2. Holong atei-Mu , mangidah ganup parlahouhu,  
Ai ma tongon, hotop do sai kahou langkahku.  
Sai sasap Ham dousangkin , O Tuhan.

3. Sai tatap Ham au, 'se tambah haporsayaonku;  
Togu Ham au, hu surga papintor langkahku.  
Halani Anak-Mu in, Naibata

#### 5. **Hata Haporsayaon**

P : Riap ma hita jongjong!

Saksihon hita ma haporsayaonta in, songon na sinaksihonni haganup halak na porsaya i sab tanoh on.

P+K: Ahu porsaya bani Naibata Bapa, pargogoh na so tarimbang, na manompa langit pakon tanoh on.

Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei Tonduy na Pansing, na manaron na parngit, bani panorangni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, pargogoh na so tarimbang in. Hunjai ma la mulak magira, manguhumi halak na manggoluh pakon na dob matei.

Ahu porsaya bani Tonduy Na Pansing, bani kuria parsadaan na mapansing in, parsaoan ni sagala na mapansing in, bani hasasapan ni dousa, bani parpuhoon ni angkula, pakon bani hagoluhon na sadokah ni dokahni. Amen.  
(hundul kuria)

#### 6. **Tingting + Tonggo Pangapition**

#### 7. **Mandoding 216. Tonggor ma Jengesni in (1+4)**

1. Tonggor ma jenges ni in, ganup na sauhur in.  
Parpambaenan na bujur, 'ge hataNi pe botul

4. Iparbagah Naibata, bani na sauhur da  
Pasu-pasu na bahat, uhur na sonang totap

#### 8. **Ambilan: Lahoanni Apostel 4:32-37**

#### 9. **Manggalang:**

P. Paima iondoshon hita galanganta, tangar hita ma lobei hata ni Naibata na gabe onjolan banta laho manggalang, aima na tarsurat bani 2 Musa 35:5: Patumpu hanima ma hunbennima galangan hubani Jahowa; barang ise na rosuh uurni, iboban ma galangan hubani Jahowa.

**Sonari ondskon hita ma galanganta!**

#### 453. Pitah Ham Tuhan

1. Pitah Ham Tuhan, hatundalan na toguh.

Humbai ganup paruntolon na itanoh on.

Bani haganup pardalanan, pitah Ham panjaga na gogoh.  
Ondos ma Tuhan, hanai on nuan, 'se torsa sadokah goluh on.

2. Tonduy Na Pansing, bere Ham bannami on.

Sai useihon Ham bai uurnami 'se sintong  
Ase dong pargogoh manlawan, kuasa ni dunia na bajan  
Ondos ma Tuhan, hanai on nuan, 'se torsa sadokah goluh on

#### 10. **Tonggo Galangan – Panutup :**

P. **Riap ma hita jongjong!**

Ham Tuhan Naibata Bapanami, pardear layak janah na unjah hubannami. Tarimakasih ma hatahonon nami hu Bamu, halani tongtong do ipasu-pasu Ham goluhnami. Domma ihasomani Ham hanami janah ipasu-pasu Ham horjanami das hubani sadari on. sonari, ibagas malasni uhur roh do hanami mangondoshon galangan nami hu Bamu. On pe sai jalo Ham ma galangan nami on, bahen hasangapon bani goran-Mu janah mambahen lambin marhataridahan harajaon-Mu i dunia on. Ibagas goran ni Anak-Mu, Jesus Kristus Tuhannami, jalo Ham ma tonggonami. Amen.

K : (mandodingkon) Haleluya No. 12:3

Tonduy, daging, uhur ampa gogohniin.

Ulang bai na sambor, sai Bamu ma in

Ningon gok Bamu ma, au hinopkop-Mu.

Ase saud martuah au jabolon-Mu.

P : Ham Bapanami na i nagori atas. Sai na papansing ma goran-Mu. Sai roh ma harajaon-Mu. Sai saud ma harosuhni uhur-Mu i nagori tongah on songon

na i nagori atas. Bere Ham ma bannami sadarion hagoluhan ari-ari. Sasap Ham ma dousanami songon panasapnami bani dousani hasoman na mardousa dampak hanami. Ulang hanami ibobai Ham hu parlajouan. Paluah Ham ma hanami humbani pangagou.

K : (mandodingkon) *Ai Ham do Simada Harajaon pakon Hagoluhan ampa Hasangapon sadokahi- dokahni. Amen.*

P : Laho ma nasiam, janah "Pindahi nasiam ma na madear, ulang ma na jahat, ase manggoluh nasiam; Ase tongon ma Jahowa, Naibata Zebaot hasoman nasiam, songon na hinatahon nasiam".

*Jalo hita ma pasu-pasu humbani Tuhan Naibatanta.*

Ipasu-pasu anjaha iparorot Tuhan Naibata ma hita. Isondangkon Tuhan Naibata ma bohini hubanta anjaha maidop ma uhur-Ni mangidah hita. Idompakhon Tuhan Naibata ma bohi-Ni hubanta, janah ipasorap ma damei-Ni bani tonduyta bei. Amen.

K : (mandoding) Amen.. amen.. amen...